



სსიპ – საქართველოს შოთა რუსთაველის თეატრისა და კინოს სახელმწიფო უნივერსიტეტი

ელექტრონული ტენდერის საშუალებით სასწავლო თეატრის მოწყობისა და
აღჭურვის სამუშაოების შესყიდვა

CPV: 453 00000

წინამდებარე სატენდერო დოკუმენტაცია შედგენილია „სახელმწიფო შესყიდვების შესახებ“ საქართველოს კანონის 12¹ მუხლის, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების საფუძველზე

1. ინსტრუქცია ტენდერში მონაწილეთათვის

ტენდერში მონაწილეთა მხრიდან სახელმწიფო შესყიდვების ერთიან ელექტრონულ სისტემაში შესყიდვის პროცედურები ხორციელდება „სახელმწიფო შესყიდვების შესახებ“ საქართველოს კანონისა და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის №9 ბრძანების შესაბამისად.

ინსტრუქტაჟი შესაძლებელია ასევე იხილოთ: <http://procurement.gov.ge>

2. საკვალიფიკაციო მოთხოვნები

2.1 საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

2.1.1 იურიდიული პირებისათვის:

- ა) ცნობა მეწარმეთა და არასამეწარმეო (არაკომერციული) იურიდიულ პირთა რეესტრიდან, რომ არ ხორციელდება იურიდიული პირის რეორგანიზაცია ან ლიკვიდაცია;
- ბ) ცნობა საჯარო რეესტრის ეროვნული სააგენტოდან, საჯარო სამართლებრივი შეზღუდვის არ არსებობის შესახებ;
- გ) ცნობა შემოსავლების სამსახურიდან ბიუჯეტის წინაშე დავალიანების არ არსებობის შესახებ.

2.1.2 ფიზიკური პირებისათვის:

- ა) პირადობის მოწმობის (ან პასპორტის) ან/და გადასახადის გადამხდელის სარეგისტრაციო მოწმობის ასლები;
- ბ) ცნობა უფლებამოსილი ორგანოდან, რომ ფიზიკური პირის მიმართ არ მიმდინარეობს გადახდისუუნარობის საქმის წარმოება;

2.2 ადმინისტრაციული ორგანოებიდან წარმოსადგენი საკვალიფიკაციო მონაცემ(ებ)ის დამადასტურებელი დოკუმენტ(ებ)ი გაცემული უნდა იყოს „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტ(ებ)ი გაცემული უნდა იყოს ზემოხსენებული ბრძანების მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის დაწყებამდე არა უგვიანეს ოცდაათი დღისა.

2.3 საკვალიფიკაციო მონაცემების დამადასტურებელი დოკუმენტების ასლები შემსყიდველ ორგანიზაციას წარედგინება სისტემის მეშვეობით.

შენიშვნა I: სახელმწიფო შესყიდვების სააგენტოს თეთრ სიაში დარეგისტრირებული მიმწოდებელი თავისუფლდება ელექტრონულ ტენდერში საკვალიფიკაციო მონაცემების დამადასტურებელი დოკუმენტების წარდგენის ვალდებულებისაგან.

3. ტექნიკური დავალება

3.1 შესყიდვის ობიექტი:

ქ. თბილისში, რუსთაველის გამზ. №19-ში მდებარე დ.ალექსიძის სახელობის სასწავლო თეატრის მოწყობისა და აღჭურვის (გახმოვანების და განათების სისტემა, პროექცია, სასცენო მექანიზმები და ფარდები, საგრიმირო სივრცის აუდიო-ვიდეო ტრანსლირების სისტემა) სამუშაოები.

3.2 სამუშაოების დასრულების ვადები:

არაუგვიანეს ხელშეკრულების გაფორმებიდან 90 (ოთხმოცდაათი) კალენდარული დღისა.

3.3 დაფინანსების წყარო:

უნივერსიტეტის 2016 წლის საბიუჯეტო ასიგნებები.

3.4 აუცილებელი პირობა:

3.4.1 ტენდერში გამოყენებული იქნება ხელშეკრულების უზრუნველყოფის საბანკო გარანტია (გაცემული საბანკო ან სადაზღვევო დაწესებულების მიერ), ხელშეკრულების საერთო ღირებულების 5%-ის ოდენობით, ხელშეკრულების უზრუნველყოფის საბანკო გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას.

3.4.1.1 მიმწოდებლის მიერ ხელშეკრულებით გათვალისწინებული ვალდებულებების დარღვევის (ხელშეკრულებით გათვალისწინებული ვალდებულებების შესრულებაზე უარის თქმა, ხელშეკრულებით გათვალისწინებული ვადების დარღვევა, ვალდებულებების უხარისხოდ, არაჯეროვნად, არასრულად შესრულება და სხვა) შემთხვევაში, შემსყიდველი უფლებამოსილია გარანტიით გათვალისწინებული თანხა, მიმწოდებელთან შეთანხმების გარეშე გამოიყენოს საკუთარი შეხედულებისამებრ.

3.4.1.2 მიმწოდებლისაგან დამოუკიდებელი მიზეზების გამო ხელშეკრულების შეწყვეტის შემთხვევაში შემსყიდველი ვალდებულია მიმწოდებელს მოთხოვნისთანავე დაუბრუნოს ხელშეკრულების შესრულების უზრუნველყოფის საბანკო გარანტია.

3.4.1.3 მიმწოდებელს ხელშეკრულების შესრულების უზრუნველყოფის საბანკო გარანტია, ხელშეკრულებით გათვალისწინებული ვალდებულებების სრული და ჯეროვანი შესრულების შემთხვევაში, დაუბრუნდება მხარეთა შორის შესყიდვის ობიექტის საბოლოო მიღება-ჩაბარების აქტის გაფორმებიდან 30 (აცდაათი) კალენდარული დღის ვადაში.

3.4.2 მიმწოდებელი ვალდებულია სასწავლო თეატრის მოწყობისა და აღჭურვის სამუშაოების შესრულება განახორციელოს **ხარჯთაღრიცხვისა და პროექტის** შესაბამისად (ხარჯთაღრიცხვა, ასევე პროექტი სატენდერო დოკუმენტაციასთან ერთად ატვირთულია სახელმწიფო შესყიდვების ერთიან ელექტრონულ სისტემაში).

3.4.2.1 სამუშაოები უნდა შესრულდეს მიმწოდებლის მიერ წარმოდგენილი გეგმა-გრაფიკით გაწერილი ვადების შესაბამისად, წარმოდგენილი გეგმა-გრაფიკი გაწერილი უნდა იყოს არაუმეტეს 90 (ოთხმოცდაათი) კალენდარულ დღეზე.

3.4.3 სამუშაოების შესრულებისას გამოყენებული სხვადასხვა მასალები და მოწყობილობები უნდა იყოს მაღალი ხარისხის და შეესაბამებოდეს შესაბამის სფეროში აღიარებულ სტანდარტებს;

3.4.4 სამუშაოების შესრულების პროცესში გამოყენებული მასალების ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) უნდა შეთანხმდეს შემსყიდველი მხარის ინსპექტირების წარმომადგენელთან/წარმომადგენლებთან.

3.4.5 სამუშაოების ჩატარებისას მიმწოდებელი ვალდებულია დაიცვას კანონმდებლობით, მათ შორის, სამშენებლო რეგლამენტებით გათვალისწინებული მოთხოვნები და ნორმები.

3.4.6 სამუშაოების მიმდინარეობის პერიოდში მიმწოდებლის ბრალეულობით შემსყიდველის ან/და მესამე პირის ქონების ასევე სხვა რაიმე სახის დაზიანების შემთხვევაში მიმწოდებელი ვალდებულია საკუთარი სახსრებით უზრუნველყოს ზიანის შედეგად გამოწვეული ზარალის ანაზღაურება.

3.4.7 მიმწოდებელმა მინიმუმამდე უნდა დაიყვანოს მუშაობით გამოწვეული ხმაურის, ვიბრაციის და მტვერის გავლენა გარემოზე. ასევე საკუთარი სახსრებით უნდა მოაწყოს საჭირო დამცავი ბარიერები (სხვა სამუშაო სივრცის გამოსაყოფად) შემსყიდველთან შეთანხმებით.

3.4.8 სამუშაოების თითოეულ ეტაპის დასრულების შემდეგ, საკუთარი სახსრებით უნდა უზრუნველყოს სამუშაო არეალის დასუფთავება და დალაგება.

3.4.9 მიმწოდებელმა სამუშაოების მიმდინარეობის პერიოდში არ უნდა მოახდინოს სამუშაო პერიმეტრის გარეთ, ტერიტორიების დაზინძურება.

3.4.10 შემოთავაზებული ფასი უნდა მოიცავდეს სამუშაოების სრულყოფილად შესრულებასთან დაკავშირებულ ყველა ხარჯს, მათ შორის კანონმდებლობით გათვალისწინებულ ყველა გადასახადს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას. სატენდერო წინადადების ფასი სისტემაში მითითებული უნდა იქნეს დღგ-ს გათვალისწინებით.

3.4.11 მიმწოდებელი ვალდებულია სასწავლო თეატრის მოწყობისა და აღჭურვის სამუშაოების დასრულების შემდეგ ან/და შუალედური აქტის წარმოდგენის დროს **საკუთარი სახსრებით** წარმოადგინოს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან/და შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ გაცემული ექსპერტიზის დასკვნა, შესრულებული სამუშაოების ხარისხისა და სახარჯთაღრიცხვო დოკუმენტაციის სატენდერო დოკუმენტაციით გათვალისწინებული მოთხოვნების შესაბამისობაზე.

3.4.12 იმ შემთხვევაში თუ პრეტენდენტი არ მიუთითებს გაუთვალისწინებელ ხარჯს იმ პროცენტული ოდენობით, რა პროცენტული ოდენობაც მითითებულია შემსყიდველის მიერ ხარჯთაღრიცხვაში, მოხდება პრეტენდენტის დისკვალიფიკაცია.

3.4.13 იმ შემთხვევაში თუ, ტენდერში ყველაზე დაბალი ფასის წინადადების მქონე პრეტენდენტის მიერ სისტემაში დაფიქსირებული საბოლოო ფასი 20%-ით ან მეტით დაბალია შესყიდვის ობიექტის სავარაუდო ღირებულებაზე, პრეტენდენტმა უნდა დაასაბუთოს ფასწარმოქმნის ადეკვატურობა. ფასწარმოქმნის ადეკვატურობა უნდა დადასტურდეს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს მიერ გაცემული ექსპერტიზის დასკვნით ან/და შესაბამის სფეროში საქართველოს კანონმდებლობით განსაზღვრული უფლებამოსილების/აკრედიტაციის მქონე პირის მიერ გაცემული საექსპერტო ან/და აუდიტორული დასკვნის (ასეთ შემთხვევაში წარმოდგენილი უნდა იქნას აუდიტორული საქმიანობის წარმოების დამადასტურებელი დოკუმენტი) საფუძველზე. წარმოდგენილი ინფორმაცია და დოკუმენტ(ებ)ი უნდა ადასტურებდეს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულებების შესრულების შესაძლებლობას. შემსყიდველი ორგანიზაცია უფლებამოსილია, დასაბუთებული გადაწყვეტილებით, უარი თქვას ფასწარმოქმნის ადეკვატურობის დასაბუთების მოთხოვნაზე.

3.4.14 მიმწოდებელმა სარემონტო სამუშაოების შედეგად მიღებული, დემონტირებული გამოყენებადი ან/და ბალანსზე არსებული მასალა უნდა დაასაწყობოს შემსყიდველის მიერ მითითებულ ტერიტორიაზე.

3.4.15 სამუშაოების შესრულების პროცესში გამოყენებული ყველა ტექნიკური აღჭურვილობა და ინსტრუმენტი უნდა იყოს მუშა მდგომარეობაში. მათი ექსპლუატაცია უნდა ხდებოდეს მწარმოებლის მიერ განსაზღვრული წესისა და ნორმების სრული დაცვით. დაუშვებელია კუსტარული წესით დამზადებული დეტალებისა და სათადარიგო ნაწილების გამოყენება.

3.4.16 მიმწოდებელმა სამუშაოების შესრულების პროცესში უნდა უზრუნველყოს ხარისხისა და სამუშაოების მიმდინარეობის ზედამხედველობისა და კონტროლის განმახორციელებლ პირთა მიერ გაცემული როგორც ზეპირი, ასევე წერილობითი რეკომენდაციებისა და მითითებების შესრულება.

3.5 გამოცდილება:

3.5.1 ტენდერში მონაწილე პრეტენდენტს 2011 წლის 04 მაისიდან – წინამდებარე ტენდერისთვის „წინადადებების მიღება დამთავრებულია“ სტატუსის მინიჭებამდე პერიოდში საჭიროა შესრულებული ჰქონდეს მინიმუმ 3'000'000.00 (სამი მილიონი) ლარის ოდენობის:

- გახმოვანება-აუდიო მოწყობილობების/სისტემების,
- განათების მოწყობილობების/სისტემებისა და
- პროექცია-ვიდეო მოწყობილობების/სისტემების მიწოდებისა და მონტაჟის სამუშაოები.

3.5.2 სატენდერო დოკუმენტაციის „3.5.1“ პუნქტში მითითებული გამოცდილების მოცულობა (3'000'000.00 ლარი) უნდა შედგებოდეს ამავე პუნქტში მითითებული სამივე (გახმოვანება-აუდიო მოწყობილობების/სისტემების; განათების მოწყობილობების/სისტემების; პროექცია-ვიდეო მოწყობილობების/სისტემების მიწოდება მონტაჟი) მიმართულებაზე დაგროვილი გამოცდილების ჯამისაგან, საიდანაც ერთი მიმართულებით შესრულებული სამუშაოების ჯამი უნდა შეადგენდეს მინიმუმ 100'000.00 (ასი ათასი) ლარს.

3.5.3 პრეტენდენტმა უნდა წარმოადგინოს სატენდერო დოკუმენტაციის 3.5.1 და 3.5.2 პუნქტით გათვალისწინებულ სამუშაოებზე გაფორმებული ხელშეკრულებების და ამ სამუშაოების დასრულების დამადასტურებელი დოკუმენტის ასლები (სამუშაოების შესრულების აქტი, ან/ და

შესრულებული სამუშაოების მიღება-ჩაბარების აქტი, ან/ და დამკვეთის მიერ გაცემული შესრულებული სამუშაოების დამადასტურებელი ცნობა).

3.6 ანგარიშწორების პირობები:

3.6.3 წინასწარი ანგარიშწორების მექანიზმი (ავანსი) არ გამოიყენება.

3.6.4 სახელშეკრულებო თანხის ანაზღაურება განხორციელდება ხელშეკრულების ხარჯთაღრიცხვით გათვალისწინებული სამუშაოების შესაბამისად, მხარეებს შორის გაფორმებული შესაბამისი აქტ(ებ)ის და მასზედ წარმოდგენილი სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ გაცემული ექსპერტიზის დასკვნის საფუძველზე, დასკვნის საფუძველზე მიღება-ჩაბარების აქტის გაფორმების თარიღიდან 15 (თხუთმეტი) სამუშაო დღის განმავლობაში.

3.6.5 ანგარიშწორება შესაძლებელია განხორციელდეს ეტაპობრივად, სატენდერო დოკუმენტაციის 3.6.4 პუნქტში მითითებული მოთხოვნების დაცვით.

3.7 საჯარიმო სანქციები:

შემსყიდველი უფლებამოსილია მიმწოდებლის მიზეზით ხელშეკრულებით დადგენილი სამუშაოების ჩაბარების ვადის, ასევე გეგმა-გრაფიკით გათვალისწინებული სამუშაოების შესრულების ვადის დარღვევის შემთხვევაში, დააკისროს საურავი ყოველ გადაცილებულ დღეზე ხელშეკრულების საერთო ღირებულების 0,5%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, ვალდებულების შეუსრულებელი ნაწილის 0,5%-ის ოდენობით ყოველ გადაცილებულ დღეზე.

3.8 საგარანტიო პირობები:

3.8.1 შესრულებულ სასწავლო თეატრის მოწყობის სამუშაოებზე უნდა ვრცელდებოდეს მინიმუმ 5 (ხუთი) წლიანი გარანტია, სამუშაოების დროს მიმწოდებლის მიერ დაშვებული შეცდომების ან/და სამუშაოების დროს გამოყენებული უხარისხო მასალის გამო დაზიანების შემთხვევაში მიმწოდებელი ვალდებულია საგარანტიო ვადის მთელი პერიოდის განმავლობაში უზრუნველყოს აღნიშნული ხარვეზის საკუთარი სახსრებით აღმოფხვრა.

3.8.2 სასწავლო თეატრის მოწყობისათვის გამოყენებულ აღჭურვილობაზე (გახმოვანების და განათების სისტემა, პროექცია, სასცენო მექანიზმები და ფარდები, საგრძნობო სივრცის აუდიო-ვიდეო ტრანსილირების სისტემა) უნდა ვრცელდებოდეს მინიმუმ 3 (სამი) წლიანი გარანტია, საგარანტიო ვადის განმავლობაში შემსყიდველის მიერ საქონლის სწორი ექსპლუატაციის პირობებში დაზიანების შემთხვევაში მიმწოდებელი ვალდებულია საკუთარი ხარჯებით უზრუნველყოს დაზიანებული საქონლის ნაწილის შეკეთება ან შეცვლა.

შენიშვნა II: ხარჯთაღრიცხვასა და პროექტში მითითებულ იმ საქონლის ნაცვლად, რომელზეც მითითებულია მწარმოებელი ქვეყანა, ბრენდი ან/და მოდელი, შესაძლებელია შემოთავაზებული იქნას მსგავსი ექვივალენტური ან/და უკეთესი მახასიათებლების მქონე საქონელი.

3.9 პრეტენდენტებმა ტექნიკური დოკუმენტაციის სახით სისტემაში უნდა ატვირთონ შემდეგი დოკუმენტები და ინფორმაცია:

3.9.1 ინფორმაცია კომპანიის რეკვიზიტების შესახებ (ორგანიზაციის ან ფიზიკური პირის დასახელება, იურიდიულ მისამართი, ტელეფონის/ფაქსის ნომერი, საბანკო რეკვიზიტები, ხელმძღვანელ(ებ)ის სახელი და გვარი;

3.9.2 შესასრულებელი სამუშაოების ხარჯთაღრიცხვა სისტემაში ატვირთული ხარჯთაღრიცხვის შესაბამისად;

3.9.3 სასწავლო თეატრის მოწყობისა და აღჭურვის სამუშაოების მიმდინარეობის გეგმა-გრაფიკი;

3.9.4 ინფორმაცია გამოცდილების შესახებ სატენდერო დოკუმენტაციის 3.5 პუნქტის შესაბამისად.

3.9.5 თანხმობა საგარანტიო პირობებზე სატენდერო დოკუმენტაციის 3.8 პუნქტის შესაბამისად.

3.10 სახელმწიფო შესყიდვების ერთიან ელექტრონული სისტემაში სატენდერო წინადადების (ტექნიკური დოკუმენტაციისა და სატენდერო წინადადების ფასი) წარდგენით პრეტენდენტი ავტომატურად გამოხატავს თანხმობას ამ პუნქტის ა-ბ ქვეპუნქტებში განსაზღვრულ მოთხოვნებზე:

ა) სატენდერო წინადადება ძალაშია მისი სისტემაში ატვირთვის დღიდან ტენდერისათვის „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის (ერთ-ერთი) მინიჭებამდე.

ბ) სასწავლო თეატრის მოსაწყობად განსახორციელებელი სამუშაოები განხორციელდება სატენდერო დოკუმენტაციის მე-3 მუხლში (ტექნიკური დავალება) მითითებული ყველა მოთხოვნის დაცვით.

პრეტენდენტის მიერ წარმოდგენილი სატენდერო წინადადება და სატენდერო დოკუმენტაცია დამოწმებული უნდა იყოს უფლებამოსილი ან მისი ნდობით აღჭურვილი (სათანადო წესით დამოწმებული მინდობილობის საფუძველზე) პირის ხელმოწერითა ან/და ბეჭდით.

ტენდერში გამოყენებული იქნება სატენდერო წინადადების უზრუნველყოფის გარანტია (ელექტრონული გარანტია) სატენდერო განცხადებაში მითითებული სავარაუდო ღირებულების 1%-ის ოდენობით, რომლის მოქმედების ვადა განისაზღვრება სულ მცირე 160 კალენდარული დღით ტენდერისათვის „წინადადებების მიღება დაწყებულია“ სტატუსის მინიჭების ეტაპიდან.

სატენდერო საფასურის ოდენობა შეადგენს 50 ლარს.

შენიშვნა: ელექტრონული გარანტიის ბენეფიციარი/მიმღები არის სააგენტო. ელექტრონული გარანტიის სააგენტოსთვის წარდგენა და საფასურის გადახდა ხორციელდება სისტემაში არსებული ავტომატური საშუალებების მეშვეობით. ელექტრონული გარანტიისა და საფასურის წარდგენა ხდება ტექნიკური დოკუმენტაციის სისტემაში ატვირთვამდე.

პრეტენდენტს არა აქვს უფლება წარმოადგინოს ალტერნატიული წინადადება.

მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის დილაკზე დაჭერით.

დამატებითი ინფორმაცია შეგიძლიათ მიიღოთ შემდეგი საკონტაქტო პირებისგან:

გიორგი სალაღიშვილი ტელ: + 995 5 93 00 21 21; ელ-ფოსტა: giorgi.salaghishvili@gmail.com

მის: ქ.თბილისი, რუსთაველის გამზ. N19

4. პროექტი

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შემდეგ. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის სატენდერო წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

წინამდებარე დოკუმენტსა და სატენდერო დოკუმენტაციით განსაზღვრულ მოთხოვნებს შორის შეუსაბამობის არსებობის შემთხვევაში უპირატესობა ენიჭება სატენდერო დოკუმენტაციის ტექნიკური დავალებით განსაზღვრულ მოთხოვნებს.

ხელშეკრულება სახელმწიფო შესყიდვის შესახებ N -----

ქ. თბილისი

----- 2016 წ.

ერთის მხრივ, სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“ შემდგომში „შემსყიდველი“, ადმინისტრაციის ხელმძღვანელის მოვალეობის შემსრულებლის ----- სახით, რომელიც მოქმედებს საქართველოს კანონმდებლობის საფუძველზე და მეორეს მხრივ ----- შემდგომში „მიმწოდებელი“, ----- სახით, რომელიც ასევე მოქმედებს საქართველოს კანონმდებლობის საფუძველზე, ელექტრონული შესყიდვის საშუალებით დებენ წინამდებარე ხელშეკრულებას შემდეგზე;

1. ხელშეკრულების საგანი

1.1 მიმწოდებელი იღებს ვალდებულებას ამ ხელშეკრულების პირობების თანახმად გაუწიოს შემსყიდველს **სასწავლო თეატრის მოწყობის სამუშაოები** ამ ხელშეკრულების N1 დანართის (სახელმწიფო შესყიდვების ერთიან ელექტრონულ სისტემაში ატვირთული ხარჯთაღრიცხვა და პროექტი) შესაბამისად.

1.2 შემსყიდველი იღებს ვალდებულებას აუნაზღაუროს მიმწოდებელს ხელშეკრულების ფასი ხელშეკრულებით განსაზღვრულ ვადებში და ფორმით.

2. ფასი და გადახდის პირობები

2.1 წინამდებარე ხელშეკრულების საერთო ღირებულება შეადგენს: ----- ლარს;

2.2 მომსახურების ერთეულის ფასი და ხელშეკრულების საერთო ღირებულება შეიცავს მიმწოდებლის ყველა ხარჯებს, დაკავშირებულს მომსახურების მიწოდებასთან, ასევე კანონით გათვალისწინებულ გადასახადებს;

2.3 ხელშეკრულების საერთო ღირებულება უცვლელია ხელშეკრულების მოქმედების მთელ პერიოდში;

3. ხარისხი

3.1 მომსახურების ხარისხი უნდა შეესაბამებოდეს ამ ხელშეკრულების 1.1 პუნქტით გათვალისწინებულ მაჩვენებლებს;

3.2 სამუშაოების შესრულებისას გამოყენებული სხვადასხვა მასალები და მოწყობილობები უნდა იყოს მაღალი ხარისხის და შეესაბამებოდეს ამ სფეროში აღიარებულ სტანდარტებს;

3.3 სამუშაოების შესრულების პროცესში გამოყენებული მასალების ვიზუალურ-ტექნიკური მახასიათებლები (ხარისხი, ფაქტურა, ფერი და სხვა) უნდა შეთანხმდეს შემსყიდველი მხარის ინსპექტირების წარმომადგენელთან/წარმომადგენლებთან.

3.4 სამუშაოების ჩატარებისას მიმწოდებელი ვალდებულია დაიცვას კანონმდებლობით, მათ შორის, სამშენებლო რეგლამენტებით გათვალისწინებული მოთხოვნები და ნორმები.

3.5 ხელშეკრულების 3.2; 3.3 და 3.4 პუნქტების დარღვევის შემთხვევაში მიმწოდებელს დაეკისრება კანონმდებლობით გათვალისწინებული პასუხისმგებლობა.

3.6 მიმწოდებელი პასუხს აგებს მიწოდებული მომსახურების ხარისხზე, ხოლო შემსყიდველი უფლებამოსილია ჩაატაროს ხარისხის კონტროლი მომსახურების მიწოდებიდან ----- (-----) სამუშაო დღის განმავლობაში, თუ ამ პერიოდში აღმოჩნდება უხარისხო (წუნდებული) მომსახურება მიმწოდებელი ვალდებულია არაუმეტეს 5 სამუშაო დღეში გამოასწოროს წუნდებული მომსახურება;

4. მიწოდების წესი

4.1 მომსახურების მიწოდებას უზრუნველყოფს მიმწოდებელი საკუთარი ხარჯებით არაუგვიანეს ხელშეკრულების გაფორმებიდან 90 (ოთხმოცდაათი) კალენდარული დღისა.

4.2 მიმწოდებელი ვალდებულია მომსახურების მიწოდებისას უზრუნველყოს თანმხლები დოკუმენტაციის წარმოდგენა, მათ შორის: ანგარიშ-ფაქტურა;

4.3 სამუშაოების მიმდინარეობის პერიოდში მიმწოდებლის ბრალეულობით შემსყიდველის ან/და მესამე პირის ბალანსზე რიცხული ქონების ასევე სხვა რაიმე სახის დაზიანების შემთხვევაში მიმწოდებელი ვალდებულია საკუთარი სახსრებით უზრუნველყოს ზიანის შედეგად გამოწვეული ზარალი ანაზღაურება.

4.4 მიმწოდებელმა მინიმუმამდე უნდა დაიყვანოს მუშაობით გამოწვეული ხმაურის, ვიბრაციის და მტვერის გავლენა გარემოზე. ასევე საკუთარი სახსრებით უნდა მოაწიოს საჭირო დამცავი ბარიერები (სხვა სამუშაო სივრცის გამოსაყოფად) შემსყიდველთან შეთანხმებით.

4.5 სამუშაოების თითოეულ ეტაპის დასრულების შემდეგ, საკუთარი სახსრებით უნდა უზრუნველყოს სამუშაო არეალის დასუფთავება და დალაგება.

4.6 მიმწოდებელმა სამუშაოების მიმდინარეობის პერიოდში არ უნდა მოახდინოს სარემონტო პერიმეტრის გარეთ, ტერიტორიების დაზინძურება.

4.7 შემსყიდველი უფლებამოსილია მომსახურების მიწოდების დროს ჩაატაროს მომსახურების ხარისხის შემოწმება კონტროლი, რისთვისაც გამოყოფს უფლებამოსილ პირ(ებ)ს -----
---- რომელიც აგრეთვე უფლებამოსილია ჩაატაროს ხელშეკრულების პირობების შესრულების ინსპექტირება, ხოლო მიმწოდებელი ვალდებულია ხელი შეუწყოს ინსპექტირების ჩატარებას;

4.8 შემსყიდველი უფლებამოსილია განაცხადოს უარი დაგვიანებით მიწოდებული, ან უხარისხო (წუნდებული), ან არასათანადო ან არასრული თანმხლები დოკუმენტაციის მქონე მომსახურების მიღებაზე და მის ანაზღაურებაზე;

4.9 მიმწოდებელმა სარემონტო სამუშაოების შედეგად მიღებული, დემონტირებული გამოყენებადი და ბალანსზე არსებული მასალა უნდა დაასაწყობოს შემსყიდველის მიერ მითითებულ ტერიტორიაზე.

5. ანგარიშსწორების წესი

5.1 წინასწარი ანგარიშსწორების მექანიზმი (ავანსი) არ გამოიყენება.

5.2 სახელშეკრულებო თანხის ანაზღაურება განხორციელდება (შესამღებელია ეტაპობრივად) ხელშეკრულების ხარჯთაღრიცხვით გათვალისწინებული სამუშაოების შესაბამისად, მხარეებს შორის გაფორმებული შესაბამისი აქტის და მასზედ წარმოდგენილი სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან სხვა შესაბამის სფეროში საქართველოს კანონმდებლობით განსაზღვრული აკრედიტაციის მქონე პირის მიერ გაცემული ექსპერტიზის დასკვნის საფუძველზე, დასკვნის საფუძველზე მიღება-ჩაბარების აქტის გაფორმების თარიღიდან 15 (თხუთმეტი) სამუშაო დღის განმავლობაში.

5.3 ანგარიშსწორების ვალუტა - ლარი;

5.4 გადახდის ფორმა - უნაღდო ანგარიშსწორებით;

6. საჯარიმო სანქციები:

6.1 შემსყიდველი უფლებამოსილია მიმწოდებლის მიზეზით ხელშეკრულებით დადგენილი სამუშაოების ჩაბარების ვადის, ასევე გეგმა-გრაფიკით გათვალისწინებული სამუშაოების შესრულების ვადის დარღვევის შემთხვევაში, დააკისროს საურავი ყოველ გადაცილებულ დღეზე ხელშეკრულების საერთო ღირებულების 0,5%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, ვალდებულების შეუსრულებელი ნაწილის 0,5%-ის ოდენობით ყოველ გადაცილებულ დღეზე;

7. გარანტია

7.1.1. შესრულებულ სასწავლო თეატრის მოწყობის სამუშაოებზე უნდა ვრცელდებოდეს მინიმუმ 5 (ხუთი) წლიანი გარანტია, სამუშაოების დროს მიმწოდებლის მიერ დაშვებული შეცდომების ან/და სამუშაოების დროს გამოყენებული უხარისხო მასალის გამო დაზიანების შემთხვევაში მიმწოდებელი ვალდებულია საგარანტო ვადის მთელი პერიოდის განმავლობაში უზრუნველყოს აღნიშნული ხარვეზის საკუთარი სახსრებით აღმოფხვრა.

7.1.2. სასწავლო თეატრის მოწყობისათვის გამოყენებულ აღჭურვილობაზე (გახმოვანების და განათების სისტემა, პროექცია, სასცენო მექანიზმები და ფარდები, საგრიმირო სივრცის აუდიო-ვიდეო ტრანსლირების სისტემა) უნდა ვრცელდებოდეს მინიმუმ 3 (სამი) წლიანი გარანტია, საგარანტო ვადის განმავლობაში შემსყიდველის მიერ საქონლის სწორი ექსპლუატაციის პირობებში დაზიანების შემთხვევაში მიმწოდებელი ვალდებულია საკუთარი ხარჯებით უზრუნველყოს დაზიანებული საქონლის ნაწილის შეკეთება ან შეცვლა.

8. ექსპერტიზა

8.1.1. მიმწოდებელი ვალდებულია სასწავლო თეატრის მოწყობის სამუშაოების დასრულების შემდეგ ან/და შუალედური აქტის წარმოდგენის დროს საკუთარი სახსრებით წარმოადგინოს სსიპ - ლევან სამხარაულის სახელობის სასამართლო ექსპერტიზის ეროვნული ბიუროს ან/და შესაბამის სფეროში

საქართველოს კანონმდებლობით განსაზღვრული აკრედიტაციის მქონე პირის მიერ გაცემული ექსპერტიზის დასკვნა, შესრულებული სამუშაოების ხარისხისა და სახარჯთაღრიცხვო დოკუმენტაციის სატენდერო დოკუმენტაციით გათვალისწინებული მოთხოვნების შესაბამისობაზე.

9. მხარეთა პასუხისმგებლობა

9.1 თავიანთი ვალდებულებების არასათანადოდ შესრულების შემთხვევაში მხარეები პასუხს აგებენ ამ ხელშეკრულებითა და მოქმედი კანონმდებლობით გათვალისწინებული წესით;

9.2 შემსყიდველი უფლებამოსილია მიმწოდებლის მიზეზით ხელშეკრულებით დადგენილი მომსახურების მიწოდების ვადის დარღვევით მიწოდების შემთხვევაში, დააკისროს საურავი ყოველ გადაცილებულ დღეზე ხელშეკრულების საერთო ღირებულების 0,5%-ის ოდენობით, ხოლო თუკი ადგილი აქვს ვალდებულების ნაწილის შეუსრულებლობას, ვალდებულების შეუსრულებელი ნაწილის 0,5%-ის ოდენობით ყოველ გადაცილებულ დღეზე;

9.3 გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს საურავი ყოველ ვადაგადაცილებულ დღეზე გადაუხდელი თანხის 0,5%-ის ოდენობით;

9.4 მხარეები გამოიყენებენ ყველა შესაძლებლობას წარმოქმნილი უთანხმოების აღმოსაფხვრელად მოლაპარაკების გზით. უთანხმოების მოლაპარაკების გზით აღმოფხვრის შეუძლებლობის შემთხვევაში მხარეები მიმართავენ სასამართლოს;

9.5 მხარეები არ აგებენ პასუხს ხელშეკრულების პირობების შესრულებაზე მხოლოდ მათგან დამოუკიდებელი სტიქიური უბედურების ან სხვა ფორს-მაჟორულ შემთხვევაში.

10. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული, როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველის ან/და მიმწოდებლის შეცდომებსა თუ დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა;

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებებისა და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებებისამებრ, მიზანშეწონილობისა და შესაძლებლობების მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11. სხვა უფლებები და ვალდებულებები

11.1 შემსყიდველი უფლებამოსილია არ მიიღოს მიწოდებული მომსახურება იმ შემთხვევაში, თუ აღმოჩნდება ნაკლოვანებები, რომლებიც გამორიცხავენ მომსახურების გამოყენებას დანიშნულებისამებრ;

11.2 იმ შემთხვევაში, თუ შემსყიდველი უარს განაცხადებს მიღება ჩაბარების აქტის ხელმოწერაზე, იგი ვალდებულია ----- (-----) დღის განმავლობაში წარუდგინოს მიმწოდებელს დასაბუთებული უარი, წინააღმდეგ შემთხვევაში მომსახურება ითვლება მიღებულად და ექვემდებარება ანაზღაურებას;

11.3 ორივე მხარე უფლებამოსილია მოშალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში;

8.3.1. შემსყიდველის მიერ იმ შემთხვევაში, როდესაც მიმწოდებელი ვერ უზრუნველყოფს თავისი მიზეზით ხელშეკრულებით გათვალისწინებულ ხარისხიანი მომსახურების დადგენილ ვადებში მიწოდებას;

8.3.2. მიმწოდებლის მიერ იმ შემთხვევაში, როდესაც შემსყიდველი არ უზრუნველყოფს ხელშეკრულებით განსაზღვრული პირობების შესრულებას.

11.4 ხელშეკრულების დამრღვევი ერთი მხარე ვალდებულია წერილობით შეატყობინოს მეორე მხარეს ხელშეკრულების დარღვევის მიზეზებზე, საკითხის გადაწყვეტობის შემთხვევაში ხელშეკრულების გაუქმება ხდება ----- სამუშაო დღის ვადაში.

12. სხვა პირობები

12.1 ეს ხელშეკრულება ძალაში შედის მხარეთა უფლებამოსილი წარმომადგენლების ხელმოწერის დღიდან და მოქმედებს _____

12.2 მხარეთა შორის სადაო საკითხები წყდება მხარეთა მოლაპარაკების გზით. 10 სამუშაო დღის განმავლობაში შეთანხმების მიუღწევლობის შემთხვევაში მხარეები მიმართავენ სასამართლოს;

12.3 ხელშეკრულებაში დამატებების ან/და ცვლილებების შეტანა შესაძლებელია მხოლოდ წერილობითი ფორმით მხარეთა უფლებამოსილი წარმომადგენლების ხელმოწერით;

12.4 ორივე მხარე უფლებამოსილია მომალოს ეს ხელშეკრულება ცალმხრივად, თუ მეორე მხარე ვერ უზრუნველყოფს თავის ვალდებულებების ჯეროვან შესრულებას ან მოქმედი კანონმდებლობით გათვალისწინებულ სხვა შემთხვევაში, რაზედაც მხარემ უნდა შეატყობინოს მეორე მხარეს 2 სამუშაო დღით ადრე;

12.5 ხელშეკრულების საერთო პირობები, მათ შორის ფორს-მაჟორისა და ინსპექტირების პირობები მიიღება „სახელმწიფო შესყიდვების განხორციელების წესის შესახებ“ დებულების შესაბამისად;

12.6 წინამდებარე ხელშეკრულება შედგენილია ორ თანაბარ იურიდიული ძალის მქონე ეგზემპლარად. ერთი ეგზემპლარი ინახება შემსყიდველთან, ხოლო მეორე მიმწოდებელთან.

13. მხარეთა იურიდიული მისამართები და ხელმოწერები:

„შემსყიდველი“	სსიპ „საქართველოს შოთა რუსთაველის თეატრისა და კინოს სახელმწიფო უნივერსიტეტი“
საიდენტიფიკაციო კოდი:	203851028
მისამართი:	ქ. თბილისი, რუსთაველის გამზ. N19
ტელეფონი:	
ბანკი:	
ბანკის კოდი (მფო):	
ანგარიშის N:	
„მიმწოდებელი“	
საიდენტიფიკაციო კოდი:	
მისამართი:	
ტელეფონი:	
ბანკი:	
ბანკის კოდი (მფო):	
ანგარიშის N:	

იურიდიული მისამართის ან/და საბანკო რეკვიზიტების შეცვლის შემთხვევაში მხარეები ვალდებული არიან 3 დღის ვადაში წერილობით აცნობონ ერთმანეთს ამის შესახებ.

„შემსყიდველი“
სსიპ „საქართველოს შოთა რუსთაველის
თეატრისა და კინოს სახელმწიფო
უნივერსიტეტი“

„მიმწოდებელი“
